

772 A R

HISTOR ADMIRABL

DEMEUS AR BOUDEDEO

*Pehini, abaoue maro hor Zalver, ne ra nemet
bale nos ha deiz ac'hann da fin ar bed,
abalamour d'an affronteri an devoa bet en
andret hor Zalver Jesus-Christ, pehini, pa
voa o vont d'ar maro a falvezas dezàn dis-
quiza var e stal, hac e teuas d'en rebuti evel
eur scelerat.*

Var ton : *Guerz Santez Anna.*

Asistantet enorabl, tostaat da glêvet
Ar vuez pitoyapla a voe biscoas ar bed ;
An histor zo truezus demeus ar Boudedeo,
A o nôs-deiz o vale aboe hor Zalver maro.

Eus a tribu Nephtali, a guêr Jerusalem,
Voa ganet Absarius, carguet a anathem ;
Dont a ras ar bed-mâ en amzer Herodes,
A felveas massacri Jesus, Mab ar Verc'hez.

Va zad a voa ur c'halve, va mam kemenerez,
Hac a laboure en Templ da ober broderes ;
Ha va c'herent am desqas da lenn leor al lezen,
Hac hini ar Brofetet ivez a dra certain.

Goude e voen demeeet va c'herent afin,
Da eur vreg fur a prudant a tribu Benjamin,
A biui'm boe tri buguel en amzer ma teuas
Autrou Sant Yan Badezour d'annouç ar Messias.

San Yan a gonvertissas calz eus ar bayanet
Pere voa idolatret, caledet er pec'het:
Dec mil den en eun devez en deveus badeet,
Me, va greg, va bugale e voamp bet o velet.

Va greg a lavaras din: va fried, emezi,
Lekomb en em vadezi, enont è ar Messi;
Ha me o respont dezi gant un ear direspet:
Na ni nac hor bugale ne vimp qet badeet.

Aben eun nebeut goude Sant Yan voe dibennet
Dre urz roue Herodes, eun den cruel meurbet,
Ha ma teuas hor Zalver evit rên en e blaç;
Hac a ras dre ar c'hanton calz a viraclou bras.

Clêvet e meus bet Jesus alies o sermon,
Hep ne meus bet profitet eus e bredication;
Va-unan e voa presant p'en doa rassaziet,
Dec mil den gant bemb bara ha goudeze pesant

Me Boudedeo maleürus a velas c'hoas souden
Jesus o ressucita Lazar, breur Madalen,
Ha güelet dibossedi calz a dud possedet,
Ha sivoas din, pec'her bras, ne meus tam profitet.

Aben eun nebeut goude voe Jesus kemeret
Gant calz eus a judevien er jardin Olivet,
Ha condaonet gant Pilat da rancout da zouguen
Ar groas ponner ha mezus evit ar bec'herien.

Pa voe ar groas achuet, hor Zalver voe samet,
Da vont da venez Calvar da vea crucifiet:
O velet an dud o redez, me guemer va buguel,
Ha me mont da dal an nôr pa yê en da vervel.

Cetu Jesus o tremen neuze abiou va zi,
Pehini en tal va stal a deu da reposi,
• me lavarât deân gant eur gomz arrogant.
Qe allesse eus va stal, te zo eun den mechant.

Ganes on dizenoret gant da ifronteri,
Pa quèlàn o reposi amàn e tal va zi:
Querz alesse, den ingrat, cos sorcer milliguet,
Querz alesse d'ar maro, pe c'heus he meritet.

Jesus a respontas din gant eur voez truezus:
Mont a ran da bartia, den fall, den maleürus,
Me reposo gant va Zad, te valeo bepret
Dre bêvar c'horn ar bed-mâ ac'han da fin ar bed.

Ia, te veleo ac'han d'ar jujamant,
Hac er c'hoste deo d'am Zad am velo suramant
O varni ar bec'herien pere voa condaonet
Da vont d'ar flamou gries, ar re just d'ar joaüstet.

Pa glêvis comzou Jesus, va c'halon voa touchet,
Ra me rêi va bugale eun istant d'am pried,
Ma velis ar Veronic o sec'hi bisach Jesus.
Ha chom en he mouchouer e boltret truezus,

He ellout n'em arrêti e heillis hor Zalver.
Hac e velis va Jesus ha calz graguez santel:
Ar bourrevien d'ar Verêhez o deveus lavaret:
Cetu amâ an tachou ma vo ho Mab staguet.

P'am boe güelet hor, Zalver o vervel var ar groas
E creis etre an daou laer carguet a boanniou bras,
Ha me commanç va beach gant calz eus a anqen,
O tout da laret adieu da guær Jerusalem.

Sònjit eta, Bretonet, peguement a c'hlac'har
En deus ar Boudedeo bremà var an douar!
Rancout quittä e gartier, e vreg, e vugale,
Hep qimiadi diouto, evit atao bale.

Pa en devoe baleet eun nombr a vlaveziou,
Ec'èruas en Ejypt, pel bras demeus e vrô,
Eno e mà ar Mor-Rus, elec'h m'oe tremenet
Moyses gant pobl Doue, hep cavout drouc ebet.

Mont a ris eus ac'hane da enezen Candi,
Elec'h emedi en noas an dud a zo enni:
Eno e velis eun tad o trec'hi a damou
E verc'h evit sacrifici da rèi d'o doueou.

Mont a ris da Malhodo, e pelec'h eus tud drol,
Pere a ador Doue hac an diaoulou oll;
Pedi reont Doue da gaout prosperite,
Hac an diaoul a bedont ne rai qet drouc dèze.

Güelet e meus er Japon ur vam meurbet cruel,
Aini'deuas da laza, sivoas, e daou buguel.
Er vrô-ze è permettet laza ar bugale
Pa n'o deus quet a vara da rèi dèze.

Goude'qemeris an hent da vont d'an Enezi,
D'an Americ, d'an Asi, ha neuze d'an Turki
Ar graguez eus var vrò-se a vale d'an arme,
Hac an ezac'h o deus soign demeus ar vugale.

Eno emedi ar c'his da laza ar botret,
Nemet unan dre famill na ve james miret.
Be'o deus eur rouanez a ro commandamant
Da laza an oll botret, hep caout dè nep damant.

Er guær eus a Garniol eus ur c'his drol meurbet
Rac eno an dud yaouanc, pa vezont eureujet,
E rânco ar vreg yaouanc, nôs qenta e heured,
Mont da gousqet gant ar prinç, vit bea enoret.


Bet on ebars eur c'hoad hanvet Cisaria,
Elec'h ma eller bale cant lêo d'an neubeuta
Hep cavet dour da eva, na feunteun, na rivier,
Ar pez zo goal incomod da oll dud ar c'hartier.

Monet a pis c'hoas pelloc'h, d'ar guær a Vosopa
Pini zo eus he divoal eur prinç eus an drola:
Ur vanden chaç a merc'het en deus evit gardou,
Ha n'eu deus qen soudardet evit difen e vrò.

Ac'hane'yis da eur guær zo hanvet Estopet,
Elec'h ma zeus serpantet ha loened vil meurbet
Zo qer teo ha corf un den sur ma vent mezuret
O devezus d'an nebeuta daou-uguent troated het

Er spaç demeus a gant vloas ez on bet o vale,
Ha me êruont adare em brò hac em c'hontre:
Allas! maro voa va greg coulz ha va bugale,
Ha den ebet eus va brò certain n'am anavee.

Neuze e teuis da Rom, ebars en Itali,
En amzer-ze e voa calz eus a c'hlac'har enni;
Güelet'ris marzeria nombr bras a gristenien,
En defot ne renoncent d'o feiz ha do lezen.



Me a vale var ar m'òr coulz ha var an douar,
Ha me partiel neuze evit ar Franç, bro rar?
E Marseil, Bourdel, Paris, Niort, Naonet, Lyon
Ac'hane da Vreiz-Izel, d'ar guær vrao a Roazon.

Guelet e meus Montroulez ne voa nemet eur c'hoad
Ha güelet Brest ha Qemper ebars en douar prat
Ha güelet ar gær a Is en e frosperite,
Hac ar gær a Lexovi a meus güelet ive.

Güelet e meus Breiz-Izel en coad ha meneziou,
Ma zoat evel sovajet neuze ebars er vrò;
Me a vel calz a guæriou er vro-ze batisset,
A ra calz a chenchamant abaoe ma zon bet.

Me vel ar guær a Roazon eur guær gaer batisset
Dol, Güenet ha Sant-Malo, Dinan hac an Naonet
Sant-Briec ha Landreguer, Lanion, Montroulez
Castel-Pol ha Lesneven ha Landerne ivez.

Ar c'hæriou ze meus güeled e coad hac e prajou
Pa deuis d'ober va veach qenta ebars er vrò;
Ceta batisset Qemper, ha Brest ha Recouvranç,
Qemperle, Moelan, Kerahes ebars en assuranc.

Anfin, pa on condaonet gant Doue da vale,
Me zo bet en em gavet e creiz meur a arme;
Canoliou a fusuliou, clezeyou, sabrennou,
Netra ne dê bet capabl de rèi din ar maro,

Bet on ebars en listri a zo bet perisset,
Hac an dud a voa enne a meus güelet beuzet,
Ha me hanvet Boudedeo n'em bije drouc ebet
Comzou Doue a rânco bea accomplisset.

Condaonet e zon gantà da chom var an douar ;
Comprenit oll christenien, emà zo din glac'har !
Va zourmanchou er bed-mà biqen na êchuo
Qen a deui Doue da varn ar beo hac ar maro.

Ar som eus a bemp goennec so em godel bepret
James ganet nep seurt clenvet me ne don attaqet
Bet on ebars en broyou elec'h m'oa ar vocen,
Hep na zeus staguet ouzin na clenvet nac anquen.

Va boutou na va dillat james na uzont qet,
Dre bermission Doue a meus bet offancet ;
Peder guech a meus redet pèvar horn ar bed-mà,
Ha guelet e meus ive calz chenchamant ennà.

Bremà e zon comancet da redec a bempet,
Hep ne don ambarasset gant dibri na cousqet ;
Guelet a meus bet broyou zo bet oll revinet
Ha calz demeus a guærou gant ar gurun dêvet.

Ne meus qet calz amzer evit chom da barlant
Me a gred e ma va zreïd vargore glaou ardant,
Nan, ne zeus nemet Doue a elfe disclèria
Ar boanniou bras a souffràou qerqent ma reposân.

Pebes maleur ê din-me bea bet rebutet
Demeus a guichen va stal Jesus Salver ar bed
Pa voa o vont d'ar maro, da zont da zisquiza
Ha me neuze dre valeur a zeuas d'e zispriza.

Emà è ar maleur bras a meus var ar bed-mà!
Emon atao o vale ouspen trivac'h cant vla,
Ha c'hoas e ranqàn bale ac'han da fin ar bed :
Pedit Doue evidon, ma zia d'ar joaüstet,

FIN.



E Landerne, moulet e ti J. DESMOULINS, ru Lafayette, 7.